

La partida populara va cun 4 gliestas en l'offensiva

La partida populara dal Grischun nominescha candidatas e candidats per las elecziuns dil cussegl naziunal

■ (mc) **A la radunonza da nominaziuns da la partida populara svizra (pps) dal Grischun a Landquart ha il viceparsura Andrea Davaz preschentà ils 20 candidats da la pps grischuna per las elecziuns dal cussegl naziunal. Sper las duas gliestas da la partida-mamma datti era ina gliesta «pps internaziunal» e «pps giuvenila».** Entant che las candidatas ed ils candidats da las duas gliestas ultim numnadas eran gia vegnids nominads han ils radund 180 delegads nominà las candidatas ed ils candidats da las duas gliestas principalas en corpore e quai cun in «standing ovation». A la radunanza han era ant. cusseglier dals chantuns *Christoffel Brändli* ed ant. cusseglier guvernativ *Peter Aliesch* preni

part. Il nov parsura dals purs grischuns *Thomas Roffler* e medemamain stà da la partida engraziand per il susegn electoral or da la basa da la pps e sa racumandond per il sustegn da la pps per ils interess purils.

Preschentaziun da las candidatas e dals candidats

Tenor il viceparsura *Andrea Davaz* ha la pps dal Grischun la finamira da s'engaschar a Berna cun personalitads fermas e competentas a favur da l'indipendenza ed autonomia da la Svizra. Plinavant veglia la pps grischuna dar als basegns dal Grischun dapli paisa a Berna e tarmettia perquai la migliera glied cun la pli gronda forza da persuader a Berna. Ils 10 can-

didats ord tut las regiuns da noss chantun èn sa preschentads declarond al publicum en tut las trais linguas grischunas pertge els candideschon per la pps grischuna e pertge els vulan s'engaschar. Sin la gliesta B (sco Brand) candideschon cusseglier naziunal *Heinz Brand* (Clausura), *Valérie Accola* (Tavau), *Jan Koch* (Igis), *Livio Zanolari* (Cuira), e *Rico Rieser* (Maiavilla), sin la gliesta M (sco Martullo) *Magdalena Marutullo-Blocher* (Turitg), *Beath Nay* (Cuira), *Mario Cortesi* (Poschiavo), *Martin Candrian* (Flem) e *Renatus Casutt* (Falera).

Glista pps internaziunal

A la radunanza da nominaziun ha *Gabriella Binkert Bechetti* preschentà las

candidatas ed ils candidats da la gliesta «pps internaziunal» che vegn timunada da l'experta d'export *Gabriella Binkert Bechetti* da la Val Müstair. Sin il segund plaz figurescha l'antierur cumpiun da skis *Paul Accola* da Tavau e sin ils ulterius plazz *Viktor Nell* (S. Antönien e Spagna), *Hansjürg Lippuner* (Germania) e *Harry Eggerschwiler* (Namibia).

La gliesta giuvna da la pps

Il parsura dalla pps giuvna *Nicola Stocker* ha preschentà la gliesta da la pps giuvna che sa cumpona da *Daniel Bärtsch* (Cuira), *Daniel Walti* (Cazas), *Marco Wiesendanger* (Cuira) e *Fabio Nespolo* (Cuvlignas). Al timun da la gliesta figurescha *Nicola Stricker* da Termin.

Quatter giadas la parola na

La pps dal Grischun ha suandà las parolas da la partida-mamma. Ella racumonda a votantas e votants da votar na tant tar l'iniziativa da stipendis, l'artitgel costituziunal davart la medischina da fructificaziun e da la diagnostica da preimplantaziun sin il sector uman che vegn en votaziun ils 14 da zercladur. La partida populara svizra dal Grischun propona da refusar tant la taglia da medias sco la taglia naziunala sin ierta.



Candidatas e candidats da la gliesta M, da san. *Martin Candrian*, *Mario Cortesi*, *Magdalena Martullo Blocher*, *Beath Nay* e *Renatus Casutt*.

MAD



Candidatas e candidats da la gliesta B, da san. *Rico Rieser*, *Valérie Favre Accola*, *Heinz Brand*, *Livio Zanolari* e *Jan Koch*.

MAD